



**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
DOM NARODA**

Ustavno-pravna komisija

Broj: 02/1-011-829/03

Sarajevo: 12.6.2003.

Z A P I S N I K

**Osme radne sjednice Ustavno-pravne komisije Doma naroda Parlamentarne skupštine
Bosne i Hercegovine, održane 12.6.2003.god.**

Sjednica je počela sa radom u 10: 00 sati.

Sjednici su nazočni bili članovi komisije: Ilija Filipović, Tomislav Limov, Halid Genjac, Hilmo Neimarlija, Nade Radović i Boško Šiljegović.

Pored članova komisije sjednici su nazočni bili: predstavnici OSCE-a, OHR-a, Vijeća Evrope, savjetnik ministra u ministarstvu civilnih poslova BiH Srđan Arnaut, savjetnica predsjedatelja Doma naroda Magdalena Mišković i tajnik Ustavno-pravne komisije Doma naroda Aljoša Čampara.

Za sjednicu je predložen i jednoglasno usvojen sljedeći

D N E V N I R E D :

1. Usvajanje Zapisnika s 7. sjednice Ustavno-pravne komisije Doma naroda;
2. Prijedlog okvirnog zakona o osnovnom i srednjem obrazovanju u BiH – predlagatelj Vijeće ministara BiH;
3. Prijedlog Odluke o ratifikaciji Sporazuma između SAD I BiH u svezi sa predajom osoba Međunarodnom kaznenom sudu – predlagatelj Predsjedništvo BiH;
4. Tekuća pitanja.

Ad.1. Usvajanje Zapisnika 7. sjednice Ustavno-pravne komisije Doma naroda

Zapisnik 7. sjednice Ustavno-pravne komisije Doma naroda usvojen je jednoglasno bez ikakvih primjedbi.

Ad.2. Prijedlog okvirnog zakona o osnovnom i srednjem obrazovanju u BiH

Članovima komisije se obratio savjetnik ministra u ministarstvu civilnih poslova BiH u svojstvu predlagatelja prijedloga zakona, kao i predstavnici OSCE-a koji su učestvovali u pripremi prijedloga zakona. Svi članovi komisije su učestvovali u raspravi.

U osnovnom zakonodavnom postupku komisijske faze, Ustavno-pravna komisija Doma naroda Parlamentarne skupštine BiH, sukladno članku 79. stavak 2. Poslovnika Doma naroda Parlamentarne skupštine BiH, razmatrala je Prijedlog Okvirnog zakona o osnovnom i srednjem obrazovanju u BiH čiji je predlagač Vijeće ministara BiH. Komisija je prvo raspravljala o principima predloženog zakona, te ih prihvatila jednoglasno i nastavila raspravu o predloženim amandmanima. Amandmane na predloženi zakon uputili su sljedeći ovlašćeni predlagatelji: delegat Zoran Spasojević, delegat Goran Milojević, klub hrvatskih izaslanika u Domu naroda, delegat Halid Genjac i Ustavno-pravna komisija Doma naroda.

Nakon iscrpno provedene opće i rasprave o pojedinostima, Ustavno-pravna komisija Doma naroda je kao nadležna komisija:

1. Jednoglasno podržala principe predloženog zakona;
2. Prihvatila sljedeće amandmane koji su postali sastavni dio teksta zakona i kao takvog ga dostavljaju Domu naroda u dalju parlamentarnu proceduru s preporukom da Doma naroda prihvati ovakav tekst zakona:

Amandman I.

U stavaku 1. članka 1. iza riječi “obrazovanja” dodaje se riječ “odgoja”:

Amandman II.

Točka 1. Opće odredbe u članku 1. mijenja se i glasi:

1. Svrha obrazovanja
2. Opći ciljevi obrazovanja, narav i temeljna polazista obrazovanja i odgoja

Amandman III

U članku 1. stavak 1. na kraju se briše točka i dodaju riječi: «kao i dopunska nastava za djecu državljana BiH u inozemstvu».

Amandman IV

U članku 3. stavak 1. točka d) iza riječi: «razvijanje svijesti o» dodaju se riječi: «pripadnosti državi Bosni i Hercegovini», a na kraju ove tačke dodaju se riječi: «u Bosni i Hercegovini i svijetu».

Amandman V

U članku 5. na početku stavka 1. brišu se riječi: «U obrazovanju»

Amandman VI

Stavak 1. članka 7. mijenja se i glasi: «jezici konstitutivnih naroda Bosne i Hercegovine upotrebljavat će se u svim školama, a u skladu sa Ustavom Bosne i Hercegovine».

Amandman VII

U članku 9. stavak 4. mijenja se i glasi: «Učenici koji ne žele pohađati vjeronauku neće ni na koji način biti dovedeni u nepovoljan položaj u odnosu na druge učenike»

Amandman VIII

U članku 10. stavak 1. briše se riječ: «svakodnevnim».

Amandman IX

U članku 10. stavak 2. iza riječi: «U nadležnosti je ...» ubaciti riječi: «Države BiH».

Amandman X

Članak 13. stavak 4. se mijenja i glasi:

Učenik se upisuje u naredni razred, a škola je dužna da mu omogući polaganje eventualne razlike predmeta najkasnije do 15. aprila tekuće školske godine.

Amandman XI

U članku 15. stavak 1. mijenja se i glasi: «Predškolsko obrazovanje ustanovljava se kao dio cjelovite brige društva za poboljšavanje kvaliteta življenja i razvoja djece u ranom djetinjstvu».

Amandman XII

U članku 15. u stavku 2. brisati dio rečenice: ..."zavisno o resursima koji su za to na raspolaganju".

Amandman XIII

U članku 15. stavak 3. mijenja se i glasi: «Predškolsko obrazovanje reguliraće se zakonima entiteta, kantona i Brčko Distrikta BiH u skladu sa principima, standardima definisanim ovim zakonom.

Amandman XIV

Članak 17. stavak 2. –brisati

Amandman XV

U članku 19. stavak 1. na kraju teksta dodaju se riječi:

« uz obvezno određivanje defektološkog i logopedskog statusa.»

Amandman XVI

U članku 19. stavak 3. mijenja se i glasi:

« Kategorije, postupak, identifikacije, planiranje i način rada, profil, obuka i profesionalni razvoj stručnog kadra za rad s djecom i mladima s posebnim potrebama uređuje se na jedinstven način u Bosni i Hercegovini, a pitanja socijalnih davanja, pedagoških standarda i normativa regulirat će se na razini entiteta, kantona i Brčko Distrikta Bosne i Hercegovine, sukladno odredbama ovog Zakona.»

Amandman XVII

U članku 20. stavak 1. brisati riječi: «za prvo obrazovanje odraslih».

Amandman XVIII

U članku 21. iza riječi: «psiholozi» dodaje se «zarezi» i riječi: «defektolozi i logopedi».

Amandman XIX

U članku 26. u stavku 3. iza riječi: «mehanizam» dodati sljedeće riječi: «kontrole rada i pedagoškog ...».

Amandman XX

U članku 29. stavak 1. na kraju se tačka briše i dodaju riječi: «obrazovnih vlasti».

Amandman XXI

Stavak 1. članka 31. na kraju se briše tačka i dodaje sljedeći tekst: «u skladu sa specifičnostima datih prihvatnih škola u koje spadaju i vjerske škole».

Amandman XXII

Iza članka 32. dodaje se novi članak kao članak 33. koji glasi:

«S ciljem organiziranja dopunske nastave iz grupe tzv. «nacionalnih predmeta» za učenike osnovnih i srednjih škola – državljane BiH u inozemstvu, nadležna ministarstva BiH će inicirati potpisivanje posebnih sporazuma sa svim državama u kojima za BiH postoji takav interes.

Finansijska sredstva za troškove nastavnog osoblja, ukoliko iz domicilnih propisa ne proizilazi da padaju na teret zemlje prijema, planirat će se u budžetu institucija BiH i plan i program za predmete dopunske nastave, na osnovu Zajedničkih jezgri iz člana 42. ovog zakona, utvrđuje posebna komisija koju imenuje Vijeće ministara, u saradnji sa Agencijom za nastavne planove i programe».

Amandman XXIII

U članku 33. stavak 1. mijenja se i glasi: «U školi se podučavaju učenici i redovno se prati i vrši procjena njihovog obrazovnog napretka, kako bi se osiguralo potrebno obrazovanje koje odgovara njihovim potrebama i mogućnostima».

Amandman XXIV

U članku 33. stavak 2. na kraju, iza riječi: «... uključujući i štetu izazvanu puštenjem» umjesto tačke stavja zarez i dodaju riječi: «ili upotrebom drugih opojnih i zakonom zabranjenih sredstava».

Amandman XXV

U članku 34. u stavku 1. i 2. zamijeniti riječi: «invalidnost i hendikepiranost» sljedećim riječima: «djeca sa posebnim potrebama».

Amandman XXVI

U članku 40. iza riječi: «zapošljavanja» dodati riječ: «nastavnog», a brisati: «pedagoškog».

Amandman XXVII

Stavak 2. članka 41. se prenosi u članak 58. kao stavak 4. tako da ranije stavak 4. postaje stavak 5.

Amandman XXVIII

U stavku 2. članka 42. iza riječi: «ministri obrazovanja entiteta» dodaju se riječi: «kantona».

Amandman XXIX

U stavku 3. članka 42. tekst iza riječi: «usvajaju i potpisuju» mijenja i glasi: «ministri obrazovanja entiteta, ministri obrazovanja svih kantona iz Federacije Bosne i Hercegovine, te predstavnik Brčko Distrikta Bosne i Hercegovine».

Amandman XXX

U članku 42. stavak 4. pod d) na kraju stava iza riječi: «interesima» dodaju riječi: «sa akcentom na promociju zdravog načina života kao najvećeg interesa učenika, roditelja, nastavnog osoblja i društva».

Amandman XXXI

U članu 42. stav 4. dodaje se nova tačka a) koja glasi:

«a) osigurati da se kroz vaspitno-obrazovni proces razvija pozitivan odnos i osjećaj pripadnosti državi Bosni i Hercegovini».

Dosadašnje tačke a) – f) adekvtno označiti u konačnoj redakciji teksta.

Amandman XXXII

U članku 44. iza alineje pod f) dodati novu alineju pod g) koja glasi: «Normative o obimu rada (nastavna norma i radna norma za sve uposlene u školi). Normative o uslovima rada (broj učenika u razredu i odgojnoj grupi u nastavnim i vannastavnim aktivnostima).

Amandman XXXIII

U članku 47. stavak 1. tačka se briše i dodaju riječi: «koje tretira ovaj zakon».

U članku 47. stavak 4. briše se riječ: «uskoj».

Amandman XXXIV

U članku 50. na kraju stavka 4. se dodaju riječi: «u principu prema popisu stanovništva u BiH iz 1991. godine».

Amandman XXXV

U članku 52. u stavku 3. dodati alineju f) koja glasi: «kandiduje i bira predstavnike roditelja u školski odbor».

AMANDMAN XXXVI

Članak 54. stavak 1 se mijenja i glasi: "Škola ima stručne organe: nastavničko vijeće, odjeljenjsko vijeće i stručne aktive".

Amandman XXXVII

U članku 55. stavak 1. se mijenja i glasi: «Nadzor nad primjenom ovog zakona vršit će Ministarstvo civilnih poslova BiH».

Amandman XXXVIII

U članku 60. iza riječi: «BiH» staviti točku, a ostali dio teksta tj. riječi: «službenim glasilima entiteta i Brčko Distrikta Bosne i Hercegovine» se brišu.

Amandman XXXIX

Članak 60. mjenja se i glasi:

Ovaj zakon stupa na snagu danom objave u «Službenom glasniku BiH»

Ad.3. Prijedlog Odluke o ratifikaciji Sporazuma između SAD I BiH u svezi sa predajom osoba Međunarodnom kaznenom sudu

Ustavno-pravna komisija Doma naroda Parlamentarne skupštine BiH je jednoglasno prihvatila navedeni prijedlog odluke, te ga upućuje u dalju parlamentarnu proceduru Domu naroda Parlamentarne skupštine BiH, uz preporuku da Dom naroda da suglasnost za ratificiranje iste.

Ad.4. Tekuća pitanja

Pitanja nije bilo.

Komisija je završila sa radom u 15:00 sati.

Tajnik komisije
Dipl.iur. Aljoša Čampara v.r.

Predsjedatelj komisije
Ilija Filipović dipl.iur. - v.r.